

¡BOMBA!

Ya por mera congruencia
debe decir Salomón:
“aún sin vinculación,
aquí les va mi licencia”



K'uintsil

Lunes 26 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2650 · www.lajornadamaya.mx

Ichkabale' tu k'amaj maanal 38 mil máako'ob kóoj xíimbal ti' yáax ja'ab úuchik u ka' je'ebel joolnaji'



Oochel Luis Castillo

Tu jo'oloy jump'éeel ja'ab ka' je'ebek u yúuchben kaajil Ichkabale', ts'o'ok u bin ya'abtal máaxo'ob ku k'uchul xíimbali'. Walkila' ojéela'an k'uch maanal 38 mil máako'obi'.

Le beetike', u mola'ayil Instituto Nacional de Antropología e Historia (INAH), le úuchben kaajo', beyxan Museo Regional de la Costa Oriental (Mureco) yéetel u jo'olpópilo'ob Quintana Roo, beyxan u ti'al Bacalar, yéetel uláak' éempresaryo'obe', yaan u beetiko'ob jump'éeel meyajil ku k'aaba'tik Ichkabal ante los ojos del mundo, tu'ux yaan u yu'uba'al ba'alo'ob ti' áakademyáa yéetel deportée.

U tuukulile', ka béeyak u beeta'al ichil u k'iinil 27 ti' enero, tak 8 ti' febrero ti' u ja'abil 2026. U kúuchil tu'ux kun beetbile' Murece, ti' u kaajil Tulum, tu'ux kun e'esbil oochelo'obi' yéetel yaan u béeytal u cha'anta'al xma' bo'olil ichil u k'iinil 27 ti' enero, tak 26 ti' abril; yaan u táakbesa'al 20 oochelo'ob, ch'aaban tumen máax jo'olbesik u yúuchben kaajil yaan tu lu'umil Quintana Roo, Joaquín Venegas de la Torre, tu'ux kun e'esbil u jats'utsil Ichkabal.

U k'iinil 30 ti' enero, tu kúuchil Planetario de Chetumal Yóok'ol Kaab, yaan u beeta'al, xma' bo'olili', kamp'éeel tsikbalo'ob. Las 10 kun káajal yéetel yaan u táakpajal máax múul jo'obesik u meyajil Proyecto Arqueológico

Ichkabal, Javier López Camacho, tu'ux kun tsikbaltbil ba'axo'ob u ts'ook ba'alilo'ob ojéela'an ti' le kaajo'. Uláak'o'obe', yaan u yúuchulo'ob las 10 yéetel las 12.

Beey túuno', ti'al máax uts tu yich ba'ax yaan ti' k'áaxo'obe', tu k'iinilo'ob 30 yéetel 31 ti' enero, láas 8 áak'abe', yaan u beeta'al Noche de Estrellas, tu'ux kun béeytal u yu'uba'al yéetel u ka'anal ba'ax yaan ti' ka'an nuupul yéetel miatsil.

U muuk' Ichkabale' yanchaj ichil u ja'abilo'ob 200 yéetel 600 d.C., ichil u k'iinil 31 ti' enero yéetel 1 ti' febrero yaan u beeta'al xíimbal tsikbalo'ob xma' bo'olil tu'ux kun tsikbaltbil bix máanik u noj k'iinilo'ob le kaajo'. Cha'ane', yaan u ts'o'okol tu k'iinil 8 ti' febrero.